



O‘ZBEKISTON RESPUBLIKASI NAVOIY VILOYATI HOKIMINING QARORI

2025-yil 14-mart

74-5-0-Q/25

Navoiy viloyati hokimligi

O‘zbekiston Respublikasi Prezidentining 2025-yil 4-martdagi “Maxsus iqtisodiy va sanoat zonalari faoliyatining samaradorligini oshirish bo‘yicha qo‘shimcha chora-tadbirlar to‘g‘risida”gi PF-41-sonli Farmoni ijrosini ta‘minlash to‘g‘risida

O‘zbekiston Respublikasi Prezidentining 2025-yil 4-martdagi “Maxsus iqtisodiy va sanoat zonalari faoliyatining samaradorligini oshirish bo‘yicha qo‘shimcha chora-tadbirlar to‘g‘risida”gi PF-41-sonli Farmoni ijrosini ta‘minlash maqsadida

QAROR QILAMAN:

1. O‘zbekiston Respublikasi Prezidentining 2025-yil 4-martdagi “Maxsus iqtisodiy va sanoat zonalari faoliyatining samaradorligini oshirish bo‘yicha qo‘shimcha chora-tadbirlar to‘g‘risida”gi PF-41-sonli Farmoni rahbarlik va ijro uchun qabul qilinsin.

2. O‘zbekiston Respublikasi Prezidentining mazkur Farmoni bilan quyidagilar:

a) 2025-yilda maxsus iqtisodiy va sanoat zonalarini rivojlantirishning asosiy maqsadli ko‘rsatkichlari belgilanganligi;

b) yangi barpo etiladigan ixtisoslashtirilgan zonalar faqat maxsus iqtisodiy zona yoki sanoat zonasi shaklida tashkil etilishi belgilanganligi;

v) sanoat zonalari faoliyati bo‘yicha:

master reja asosida Qoraqalpog‘iston Respublikasi Jo‘qorg‘i Kengesi, Xalq deputatlari viloyatlar va Toshkent shahar kengashlari qarori bilan barpo etilishi;

yer uchastkalarining boshlang‘ich ijara qiymati o‘rnatilgan tartibda Qoraqalpog‘iston Respublikasi Vazirlar Kengashi, viloyatlar va Toshkent shahar hokimliklari tomonidan yer solig‘idan past bo‘lmagan miqdorda belgilanishi belgilanganligi;

g) Investitsiyalar, sanoat va savdo vazirligi maxsus iqtisodiy zonalarini boshqarish bo‘yicha vakolatli organ hisoblanishi (turizmga ixtisoslashgan, xususiy boshqaruvdagi maxsus iqtisodiy zonalar va qonunchilikda nazarda tutilgan holatlar bundan mustasno);

xususiy boshqaruvga berilgan maxsus iqtisodiy zonalar faoliyati Investitsiyalar, sanoat va savdo vazirligi tomonidan muvofiqlashtirilishi;

sanoat zonalarini mahalliy ijro etuvchi hokimiyat organlari tomonidan boshqarilishi hamda Investitsiyalar, sanoat va savdo vazirligi tomonidan ularning faoliyati muvofiqlashtirilishi belgilanganligi;

d) maxsus iqtisodiy zonalar va sanoat zonalarini xususiy (xorijiy) investorlarga boshqaruvga berish va ularga yer ajratish Qoraqalpog‘iston Respublikasi Vazirlar Kengashi, viloyatlar va Toshkent shahar hokimliklari hamda vazirlik va idoralar takliflariga asosan Hukumat komissiyasi bilan kelishgan holda bitim bilan o‘rnatilgan tartibda amalga oshirilishi belgilanganligi;

e) sanoat zonalarini direksiyalari Qoraqalpog‘iston Respublikasi Vazirlar Kengashi, viloyatlar va Toshkent shahar hokimliklari huzuriga o‘tkazilishi (xususiy boshqaruvdagi sanoat zonalarini bundan mustasno) belgilanganligi;

j) Maxsus iqtisodiy va sanoat zonalarini faoliyatining tashkiliy-huquqiy asoslarini takomillashtirish chora-tadbirlari bo‘yicha “yo‘l xaritasi”;

Maxsus iqtisodiy va sanoat zonalarining maqbullashtirilayotgan hududlari va yer maydonlari ro‘yxati;

Maxsus iqtisodiy va sanoat zonalarining hududidan chiqarilayotgan yer maydonlari ro‘yxati tasdiqlanganligi inobatga olinsin.

3. Maxsus iqtisodiy va sanoat zonalarini faoliyatining tashkiliy-huquqiy asoslarini takomillashtirish chora-tadbirlari bo‘yicha “yo‘l xaritasi” ijrosini sifatli ta‘minlash yuzasidan viloyat chora-tadbirlar dasturi ilovaga muvofiq tasdiqlansin.

4. Viloyat hokimining o‘rinbosari (E. G‘afforov), viloyat investitsiyalar, sanoat va savdo boshqarmasi (R. Azimov) tuman (shahar) hokimliklari bilan birgalikda uch oy muddatda maxsus iqtisodiy va sanoat zonalarini, jumladan, kichik sanoat zonalarini, yoshlar sanoat va tadbirkorlik zonalarini xatlovdan o‘tkazsin va ularni qayta tashkil etish bo‘yicha takliflarni Vazirlar Mahkamasiga kiritilishini ta‘minlasin.

5. Mazkur qaror ijrosini nazorat qilish viloyat hokimi o‘rinbosari E. G‘afforov zimmasiga yuklansin.

Viloyat hokimi



N.Tursunov

Navoiy viloyati hokimining
2025-yil 14-martdagi
74-5-0-Q/25-son qaroriga
1-ilova

Maxsus iqtisodiy va sanoat zonolari faoliyatining tashkiliy-huquqiy asoslarini takomillashtirish chora-tadbirlari bo'yicha "yo'l xaritasi" ijrosini sifatli ta'minlash yuzasidan viloyat

ChORA-TADBIRLAR DASTURI

T/r	Chora-tadbirlar nomi	Amalga oshirish mexanizmi	Ijro muddati	Mas'ul ijrochilar
Normativ-huquqiy hujjatlar loyihalari				
1.	“Sanoat zonolari to'g'risida”gi qonun loyihasi.	Qonun loyihasini ishlab chiqishda belgilangan tartibda Vazirlar Mahkamasiga taklif kiritish. Loyihada: yer maydonlarini auksionga chiqarish tartibini yanada takomillashtirish; direktsiyalarni mahalliy hokimliklar tomonidan boshqarish tartibi; direktsiyalarga soliq va budjetga ajratmalar bo'yicha imtiyozlar berish kabi masalalar nazarda tutiladi.	2025-yil sentabr	Viloyat investitsiyalar, sanoat va savdo boshqarmasi (R.Azimov), viloyat iqtisodiyot va moliya bosh boshqarmasi (G'.Boboqulov), viloyat adliya boshqarmasi (U.Abdullaev), Davlat aktivlarini boshqarish agentligi viloyat boshqarmasi (N.Atajonov), tuman (shahar) hokimliklari
Tashkiliy chora-tadbirlar				
2.	Maxsus iqtisodiy va sanoat zonalarini xatlovdan o'tkazish.	Hududlarda faoliyat yuritayotgan maxsus iqtisodiy va sanoat zonalarini xatlovdan o'tkazish hamda ularni yangi talablardan kelib chiqqan holda qayta tashkil etish bo'yicha takliflarni Vazirlar Mahkamasi hamda Investitsiyalar, sanoat va savdo	2025-yil iyun	Viloyat investitsiyalar, sanoat va savdo boshqarmasi (R.Azimov), Kadastr agentligi viloyat boshqarmasi (D.Nishonov), viloyat davlat soliq boshqarmasi (S.Nazarov),

		vazirligiga kiritish.		tuman (shahar) hokimliklari
3.	Sanoat zonalari direksiyalari faoliyatini samarali yo'lga qo'yish.	Sanoat zonalari direksiyalarini qayta ro'yxatdan o'tkazish va zarur hujjatlarni rasmiylashtirish.	2025-yil avgust	Viloyat investitsiyalar, sanoat va savdo boshqarmasi (R.Azimov), tuman (shahar) hokimliklari
4.	Maxsus iqtisodiy zonalar ishtirokchilariga servis xizmatlarini ko'rsatuvchi korxonalarni joylashtirish.	Maxsus iqtisodiy zonalarini barpo etishda ularga ishtirokchilarga servis xizmatlari ko'rsatuvchi korxonalarni belgilangan tartibda joylashtirish. Bunda servis xizmatlarini ko'rsatuvchi korxonalarga maxsus iqtisodiy zona ishtirokchilari uchun nazarda tutilgan imtiyozlar berilmaydi.	Doimiy ravishda	Viloyat investitsiyalar, sanoat va savdo boshqarmasi (R.Azimov), tuman (shahar) hokimliklari
5.	Maxsus iqtisodiy va sanoat zonalarini tashkil etish shartlariga qat'iy rioya etilishini ta'minlash.	Yangi maxsus iqtisodiy va sanoat zonalari yuzasidan takliflarni shakllantirishda ularni faqat infratuzilma mavjud bo'lgan yoki tegishli infratuzilma bilan ta'minlash iqtisodiy asoslangan, moliyaviy va ijtimoiy samaradorligi hisoblangan biznes-rejasi mavjud bo'lgan, qishloq xo'jaligiga mo'ljallanmagan yer uchastkalarida tashkil etish yuzasidan qat'iy choralarni ko'rish.	Doimiy ravishda	Viloyat investitsiyalar, sanoat va savdo boshqarmasi (R.Azimov), tuman (shahar) hokimliklari
6.	Sanoat zonalari ishtirokchilariga eksport prognozlarini bajarish bo'yicha ko'maklashish.	1. Sanoat zonalaridagi eksportchi korxonalarning har biriga mas'ul xodimlarni birlashtirish. 2. Eksportoldi moliyalashtirishga ehtiyoji bo'lgan korxonalarga mablag'lar ajratish choralari ko'rish. 3. Sanoat zonalaridagi eksportchi korxonalarga xalqaro yarmarkalarda ishtirok etish va o'z mahsulotlarini targ'ib qilishga	2025-yil aprel Doimiy ravishda	Viloyat investitsiyalar, sanoat va savdo boshqarmasi (R.Azimov), Savdo-sanoat palatasi viloyat hududiy boshqarmasi (D.Shakarov), tuman (shahar) hokimliklari

		ko‘maklashish.		
7.	Maxsus iqtisodiy va sanoat zonalarida infratuzilma bilan ta‘minlangan bo‘sh turgan yer maydonlariga investorlarni jalb etish.	1. Maxsus iqtisodiy va sanoat zonalaridagi zarur infratuzilmaga ega bo‘lgan bo‘sh yer maydonlari bo‘yicha taqdimot materiallarini tayyorlash. 2. Maxsus iqtisodiy va sanoat zonalarida yaratilgan imkoniyatlar va bo‘sh turgan yer maydonlari to‘g‘risidagi ma‘lumotlarni xorijiy va mahalliy ishbilarmon doiralarda, ommaviy axborot vositalari va internet tarmog‘ida, biznes forumlarda keng yoritish.	2025-yil aprel Doimiy ravishda	Viloyat investitsiyalar, sanoat va savdo boshqarmasi (R.Azimov), Savdo-sanoat palatasi viloyat hududiy boshqarmasi (D.Shakarov), viloyat teleradiokompaniyasi (G‘.Sultonov), tuman (shahar) hokimliklari
8.	Maxsus iqtisodiy zonalarida loyihalarning ishga tushirilishini jadallashtirish.	1. 2025-yilda ishga tushirilishi rejalashtirilgan loyihalarning har biriga mas‘ullar biriktirish. 2. Loyiha tashabbuskorlariga doimiy ravishda ko‘maklashish va yuzaga kelishi mumkin bo‘lgan muammolarning oldini olish choralarini ko‘rib borish.	2025-yil aprel 2025-yil dekabr	Viloyat investitsiyalar, sanoat va savdo boshqarmasi (R.Azimov), tuman (shahar) hokimliklari